

# Suliffeqarfiup imaluunniit ingerlatseqatigiiffissuup ataatsip iluani isumaqatigiissutit il.il. pillugit Namminersorlutik Oqartussat nalunaarutaat

Unammilleqatigiinneq pillugu Inatsisartut inatsisaat nr. 1, 15. maaji 2014-imeersumi § 4, imm. 2 naapertorlugu, aamma unammilleqatigiinnermut ataatsimiitaliap oqaaseqareereneratigut, aalajangersarneqassaaq:

**§ 1.** Unammilleqatigiinnermut inatsimmi kapitali 2-mi aalajangersakkani suliffeqarfiup imaluunniit ingerlatseqatigiiffissuup ataatsip iluani isumaqatigiissuteqarnerit, aalajangersakkat aamma suleriaatsit ataqtigiiressat unammilleqatigiinnermik killilersuisut atorneqanngillat.

**§ 2.** »Suliffeqarfiup imaluunniit ingerlatseqatigiiffissuup ataatsip iluani isumaqatigiissutit, aalajangersakkat aamma suleriaatsit ataqtigiiressat« nalunaarut manna malillugu ilaatinneqarput:

- 1) Unammilleqatigiiffiunngitsumik ingerlatseqatigiiffissuit peqatigiillutik isumaqatigiissuteqarneri, takuuk § 3, naatsorsuutigineqarpat, ingerlatseqatigiiffiutit niuerfimmi ingerlanissamik aalajangersarnissaanut nammineersinnaanngivissut,
- 2) Ingerlatseqatigiiffissuit unammilleqatigiissut akornanni isumaqatigiissuteqarnerit, takuuk. § 4, imaluunniit
- 3) Suliffeqarfiit piginneqatigiiffiusut iluanni isumaqatigiissutit, taakkua killilerneqarsimappata, suna pisariaqarnersoq piginneqatigiilluni suliffeqarfiup ingerlannera naammaginartumik qularnaarnissaanut aamma ilaasortat soqtigisatik piginneqatigiiffimmut piffissami killilimmi isumagisassanngortippatigit, takuuk § 5.

**§ 3.** »Unammilleqatigiiffiunngitsumik ingerlatseqatigiiffissuit peqatigiillutik isumaqatigiissuteqarneri« matumani nalunaarummi imatut paasineqassaaq isumaqatigiissutit il.il. suliffeqarfiit, suliffeqarfiup piginnittup ingerlatseqatigiiffiutigisap imminnut ataqtigiiittut, akornanni isumaqatigiissutit.

*Imm. 2. Suliffeqarfik suliffeqarfimmut piginnittuuvoq, imaakkuni:*

- 1) ingerlatseqatigiiffimmi aktiaateqarfiusumi piginneqatigiiffimiluunniit taasisinnaatitaanikkut amerlanerussutilinnik pigisaqrleruni,
- 2) ingerlatseqatigiiffimmi aktiaateqaruni imaluunniit piginneqataassuteqaruni kiisalu piginnaatitaalluni ingerlatseqatigiiffiup siulersuisuini ilaasortanik toqqaasinnaanermut imaluunniit ingerlatseqatigiiffiup siulersuisuunik amerlanerussuteqartunik tunuartitsisinnaaguni imaluunniit tamatumani piginneqatigiiffik siulersuisoqanngippat, qullersaqanngippat,
- 3) aktiaateqaruni piginneqataalluniluunniit piginnaatitaallunilu ingerlatseqatigiiffimmut

aalajangiisusumik sunniuteqarluni ileqqoreqqusat isumaqtigiiissutilluunniit tunngavigalugit kiisalu,  
4) aktiaateqaruni piginneqataalluniluunniit aamma aktiaatilinnik piginneqataasunilluunniit allanik  
isumaqtigiiissuteqarneq tunngavigalugu imaluunniit ingerlatseqatigiiffimmi taasisin-naatitaassutit  
amerlanerussuteqartut oqaassisqaqfigigunigit, imaluunniit  
5) ingerlatseqatigiiffimmi aktiaateqaruni piginneqataassuteqarluniluunniit tamatumunnga  
aalajangiisusumik sunniuteqartumik.

*Imm. 3. Suliffeqarfik, suliffeqarfimmut piginnittuusoq imm. 2-mi taaneqartunut atatillugu,  
ingerlatseqatigiiffiutigisamut attuumassuteqarpas.*

*Imm. 4. Taasisinnaatitaanerit naatsorsornerinut aamma pingarnertut suliffeqarfimmut taassumalu  
suliffeqarfinni piginnittuusumi ingerlatseqatigiiffiutigisaanilu ilaasortanik ilaasortangortitsinernut  
ilaasortaajunnaarsitsinernullu pisinnaatitaaffit ilaatinneqarput.*

*Imm. 5. Suliffeqarfimmi ingerlatseqatigiiffiutigisumi taasisinnaatitaanerit naatsorsorneranni aktianut  
piginneqataassutinulluunniit attuumassuteqartut ingerlatseqatigiiffiutigisamut imaluunniit taassuma  
ingerlatseqatigiiffiutigisaanut taasisinnaatitaanerit naatsorsuutigineqartanngillat.*

*Imm. 6. »Namminersuinneq« nalunaarummi matumani paasineqassaaq, ingerlatseqatigiiffiutigisat  
suliffeqarfiup piginnittup ilitsersuinermut pisinnaatitaaffisa ataanninngitsut.*

**§ 4. »Ingerlatseqatigiiffissuit unammilleqatigiissut akornanni isumaqtigiiissuteqarnerit« nalunaarummi  
matumani imatut paasineqassapput suliffeqarfuit marluk amerlanerussulluunniit akornanni  
isumaqtigiiissuteqarneri il. il., allaganngorlugit isumaqtigiiissuteqarnikkut imaluunniit suliffeqarfuit  
malittarisassaanni aalajangersakkat naapertorlugit ataatsimoorussamik siulersorneqarneq imaluunniit  
tassannga aalajangiisusumik sunniuteqarfingineqarneq, tunngavigneqarlutik,**  
1) suliffeqarfuit niuerfimmi peqataasut ataatsimoorussamik siulersorneqarnerat  
ataqatigiissaariffigissavaat,  
2) suliffeqarfuit peqataasut ataatsimoorussamik siulersorneqarnernit aqunneqassapput, aamma  
3) niuernerpalartumik nalorninartoqarsinnaasut aningaasaqarnikkullu inernerit agguataarnerannut  
aaqqissuussisoqarsimassaaq.

**§ 5. »Piginneqatigiilluni suliffeqarfuit« nalunaarummi matumani imatut paasineqassapput  
piginneqatigiilluni suliffeqarfimmi peqataasut tamarmik nammineq inuttut inatsisitigut  
akisussaassuseqartut (interessentskaber), piginneqatigiiffimmi peqataasut tamarmik nammineq inuttut  
inatsisitigut akisussaassuseqartut, kisianni peqataasut ilai ingerlatseqatigiiffiup pisussaaffiinut killilimmik  
akisussaassuseqarlutik (kommanditselskaber) imaluunniit suliffeqarfuit killilimmik akisussaassuseqartut,  
siunertaat tassaalluni, peqataasut ataatsimoorussamik soqtigisaat suliffeqarfimmit peqataanermikkut  
pisisartutut, pilersuisutut imaluunniit allatut periuseqartutut, aamma suliffeqarfiup iluanaarutai  
siuarsassallugit, nalinginnaasumik aningaasat aningaasaliissutaasut imminut akilersinnaassusiat  
ilanngunnagu, kaaviartitanit piginneqataassutaannut naleqqiullugu ilaasortani agguarneqarsinnaapput  
imaluunniit suliffeqarfimmi uninngasuutigineqarsinnaapput.**

*Imm. 2. »Suliffeqarfiup iluani isumaqtigiiissutit« nalunaarummi matumani imatut paasineqassapput  
piginneqatigiilluni suliffeqarfiup taamatut taassumalu ilaasortaasa akornanni isumaqtigiiissutit il. il.  
imaluunniit ilaasortat imminut isumaqtigiiissutaat il. il. soorlu ilaasortat akiliisussatut  
pisussaaqatigiinnerat, taasinerit aamma piginneqatigiiffimmut sinniisoqatigiinnej, aamma allanut*

malunnanngitsumik ilaasortanut piginneqatigiiffimmullu taamaallaat.

*Imm. 3. »Piginneqatigiilluni suliffiup ingerlanneqarnera naammaginartoq« nalunaarummi ma-tumani imatut paasineqassaaq suliffeqarfiup naammassisinnaassusianik nalinginnaasumik atuineq.*

*Imm. 4. »Atsiornikkut isumaqatigiissutikkut imaluunniit isumaqatigiissuteqarnikkut nukittussusiata atatinnera« nalunaarummi matumani paasineqassaaq ilaasortat pisisartutut pilersuisutulluunniit soqutigisatik piffissami killilikkap iluani piginneqatigiiffik aqqutigalugu isumagitissallugit pisussaapput. Piginneqatigiilluni suliffeqarfiit salliuniartuunngippata, piffissaq taanna sivisunerpaamik ukiunik marlunnik sivisussuseqassaaq. Piginneqatigiilluni suliffeqarfiit salliuniartutut inissisimappata, piffissaq taanna sivikinnerujussuussaaq.*

**§ 6.** Nalunaarut ulloq 1. aprili 2016-imi atuutilerpoq.

*Namminersorlutik Oqartussat, ulloq 10. marts 2016*

Vittus Qujaukitsoq

/

Jørn Skov Nielsen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut